

PDRM anjur forum bincang akta baru ganti ISA
The Malaysian Insider
21 September , 2011

KUALA LUMPUR, 21 Sept – Polis Diraja Malaysia (PDRM) akan mengadakan forum yang melibatkan pelbagai pihak bagi membincangkan undang-undang baru yang bakal menggantikan Akta Keselamatan Dalam Negeri (ISA).

Ketua Polis Negara Tan Sri Ismail Omar berkata ia bagi menentukan keselamatan negara dan rakyat akan sentiasa terjamin dengan undang-undang baru itu kelak.

“Kita mempunyai persediaan... dan kita akan mengadakan forum bagi menentukan keselamatan rakyat tidak akan tergugat dengan undang-undang baru yang akan ditentukan nanti,” katanya kepada pemberita selepas Majlis Pelancaran Triaj PDRM di balai polis Travers.

Ismail berkata antara pihak yang terlibat dalam forum itu ialah Kementerian Dalam Negeri (KDN), pakar-pakar perundangan dan Jabatan Peguam Negara.

“Kerjasama bagi membincangkan perkara itu dilihat perlu bagi menentukan dan menjaga keselamatan negara pada masa akan datang,” katanya dipetik Bernama Online.

Khamis lalu, Perdana Menteri Datuk Seri Najib Razak mengumumkan bahawa ISA dan dua undang-undang baru yang sesuai akan digubal bagi memelihara keamanan, kesejahteraan, kesentosaan serta kerukunan hidup rakyat dan negara.

The Malaysian Insider
Hakcipta © 2011 The Malaysian Insider
Source: <http://www.themalaysianinsider.com/bahasa/article/pdrm-anjur-forum-bincang-akta-baru-ganti-isa/>